

Mussar nossa multifariadad tradiziunala

Cuira: Exposiziun «Guarda»

DA GION NUTEGN STGIER / ANR

■ **Sensibilisar ils visitaders per l'agricultura e l'artisanadi grischun sco er preschentar en ina furma pli autentica nossas tradiziuns e nossa cultura. Quai vulan ils organisaturs e 110 expositurs cun l'edizium da l'emprima exposiziun «Guarda».** Stersas ha *Marco Engel*, il directur da la nova exposiziun «Guarda», preschentà ils detagls da l'occurrentza che ha lieu dals 1. fin ils 5 da november 2017 a la Obere Au a Cuira. L'exposiziun che stat sut il motto «deletg e tradiziun» remplazza l'exposiziun «Gehla»

che ha blers onns già ses post fix il mais da settember. L'exposiziun «Guarda» na saja nagina copia da la «Higa» ed er betg da la «Gehla», ha ditg Engel. Ella na saja er betg ina occurrenza cun vendita, mabain ina exposiziun per giudair, sa divertir, s'entupar, per barats e per mussar la gronda diversidad culturala dal Grischun.

Quatter ubain tschintg dis

Quest onn haja l'exposiziun ina durada da tschintg dis, previs sajan dentant en l'avegnir be quatter dis. Ina raschun persuentar saja ch'ils expositurs n'hajan betg la capacitat persunala per esser durant

daplis dis adina sin il post. D'organisar l'exposiziun considerablmain pli pauc lunga che la «Higa» saja cunzunt stà il giavisch dals expositurs. L'occurrentza «Guarda» haja er be lieu mintga dus onns. L'onn ch'ella haja betg lieu saja prevì d'ir ordvart il Grischun cun l'exposiziun, dentant en ina furma considerablmain pli pitschna. Il 2018 saja «Guarda» giast a l'exposiziun «Züspsa» a Turitg, ha raquinta Engel. L'exposiziun «Guarda» saja er ina contribuziun al svilup per ina conscienza vitala per l'identitad e persistenza regiunala, ha menziunà Engel.

Ina aventura cumpletta

La quintessenza da l'exposiziun «Guarda» sajan l'agricultura e l'artisanadi dal Grischun. Cun l'occurrentza vegnia inscena da ina fiera che duaia daventar ina aventura cumpletta, ha punctuà Engel. Sin ina surfatscha da 10 000 meters quadrat exponan ils 110 expositurs grischuns lur products. L'event che ha lieu en in mais duai esser l'entupada per vegl e giuven e star en il center duain il deletg e la tradiziun grischuna. En collavuraziun cun las organisaziuns «Alpinavera» e l'Uniu purila grischuna survegn cunzunt l'agricultura ina buna plattafurma da sa preschentar ad in grond public.

40 chauras da diversas razzas

Protagonistas vegnan quest onn ad esser las chauras e lura er lur products. Quels daventan adina pli populars, ha ditg *Martin Renner*, il mainagestiu da l'Uniu purila grischuna. In grond tema vegn però er ad esser il vin grischun cun numerus viticulturs ed er Bio Grischun, quella organisaziun sa preschenta tar l'exposiziun «Guarda». L'areal e la tenda da l'exposiziun èn partids en en tschintg partizius: puraria, ragischs, martgà, event e plaschair. Dasper las occurrenzas culinaras cumpiglia il program er events da musica, forums ed intgins lavuratori manuals e culturals. Quant che l'occurrentza vegnia a la fin finala a custar saja da preschentar na pussaivel da dir, ha accentuà Engel.



Marco Engel, il directur da l'exposiziun «Guarda», è da buna speranza che l'occurrentza attiria in grond public.

FOTO G. N. STGIER